

Na osnovu člana 118. Zakona o radu ("Službene novine Federacije Bosne i Hercegovine", broj: 26/16 i 89/18), Člana 94. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21), člana 15. stav (4) Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanje u Kantonu Sarajevo (“Službene novine Kantona Sarajevo” broj: 32/21), člana 135. Pravila osnovne škole "Srednje" Ilijaš, člana 24. Pravilnika s kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 9/22) i člana 25. Pravilnika s kriterijima za prijem radnika u radni odnos u osnovnim školama kao javnim ustanovama na području Kantona Sarajevo („Službene novine Kantona Sarajevo“, broj: 12/22), Školski odbor na svojoj 3. redovnoj sjednici održanoj dana, 05.04.2022. godine, donosi,

IZMJENE I DOPUNE PRAVILNIKA O RADU OSNOVNE ŠKOLE "SREDNJE" ILIJAŠ U SREDNJEM

Član 1.

Izmjenama i dopunama Pravilnika o radu Osnovne škole "Srednje" Ilijaš u Srednjem (u daljem tekstu: Pravilnik) vrše se izmjene Pravilnika o radu broj: 01-SO-157/18 od 26.02.2018. godine radi usklađivanja sa Pravilnika s kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 9/22) i člana 25. Pravilnika s kriterijima za prijem radnika u radni odnos u osnovnim školama kao javnim ustanovama na području Kantona Sarajevo („Službene novine Kantona Sarajevo“, broj: 12/22).

Član 2.

II ZAKLJUČIVANJE UGOVORA O RADU

U članu 6. mjenja se:

Stav (1) mjenja se i glasi: „ Zbog uvođenja novog nastavnog plana i programa, smanjenja broja učenika, organizacijskih promjena i objektivnih okolnosti nastalih u ustanovi, kao i zbog povrede na radu i bolesti zbog kojih je radnik trajno spriječen za rad, odnosno kada je utvrđena promjenjena radna sposobnost radnika (invalid I i II kategorije) direktor može utvrditi da je prestala potreba za određenim brojem radnika.

Direktor je obavezan prije utvrđivanja prestanka potrebe za radom radnika, preispitati postojeću organizaciju rada i sagledati mogućnost raspoređivanja radnika na druge poslove za koje radnik ispunjava uslove u skladu s Pravilnikom o unutrašnjoj organizaciji i sistematizaciji radnih mjesta“.

Stav (2) mjenja se i glasi: Upraznjena radna mjesta u ustanovi u pravilu prvo se popunjavaju sa zbirnih rang-lista osnovnih škola.

Ukoliko se upražnjena radna mjesta ne popune na navedeni način popuna se vrši sa zbirnih rang-lista drugog nivoa obrazovanja“.

U stavu (4) briše se riječ „direktor“ a umjesto nje stoji riječ „ustanova“.

Stav (5) mjenja se i glasi: „Prijem kandidata za popunu upražnjenih radnih mjesta na osnovu raspisanog javnog konkursa vrši se u skladu s Pravilnikom s kriterijima za prijem radnika u radni odnos u osnovnim školama kao javnim ustanovama na području Kantona Sarajevo“.

PRIJELAZNE I ZAVRŠNE ODREDBE

Član 3.

Ove Izmjene i dopune Pravilnika o radu stupaju na snagu osmog dana od dana usvajanja, a objavit će se na oglasnoj ploči.

Broj: 01-ŠO-IV-571/22
Srednje, 05.04.2022. godine

V.d predsjednik Školskog odbora

Mersad Mališević